



Cun temperaturës frèides cina -23 gradi él gnü stlüt jö l'ultima domènia a Lungiarü le Südtirol Cup 2012. Pro i èi y pro i “Doppelsitzer” era jüda sciöche an se aspetâ, mo pro les ères él stè en per de sorpreses.

Pro i èi él indô stè **Diego Tschaffert** (U.S. La Val) che á mustrè súa gran forma y á davagné la gara y insciö ince la devènta completa 2012 y á podü insciö defène la devènta dl ann 2011. Al á nuzé la gran esperiënza che al á sön la pista da Lungiarü ruvan dan Werner Mitterutzner y dan le compagn de squadra **Armin Forer** (U.S. La Val) al terzo post.

Pro la tlasifica de squadre á La Val portè a cíasa por le secundo iade chësc ann la devènta. Mo la gran novité vëgn dala tlassifica completa 2012 a squadre. Dô da 5 agn che le ASV Latzfons davagnâ dan le ASV Laugen/Tisens èl en nû davagnadú. I atleç dla **scuadra da La Val** é bugn da davagné le “Gesamtsieg dl Südtirol Cup 2012”. Cun chëst trofeo á mustrè i atleç da La Val na gran continuité cun de bugn resultač de dütes les categories.

A **Daniela Erlacher** che gnê odüda sciöche favorita, ne ti era nia jüda massa bun y è ruvida insciö al 5. post. Ince Reinhilde Gamper á messé lascè le prüm post a Stefanie Kaser che è stada buna da bater dütes les avversares ruvn sön le prüm post. Reinhilde Gamper se porta a cíasa por le 5 iade la devènta completa dl “Südtirol Cup”. Daniela é ruvida al 3. post pro le “Gesamtpokal Südtirol Cup 2012”.

Erlacher Iris (U.S. La Val) á indô fat en bun plazamënt cun le secundo post a Lungiarü y davagna ince vëra insciö le „Gesamtsieg dl Südtirol Cup 2012“. En beliscimo resultat por Iris.

Pro i Amateure II é ruvé **Alton Tone** al 5. post y **Taverlla Robert** al 6. post. Pro i Amateure I è ruvé **Miribung Carlo** al 2. post, ince tla “Gesamtwertung dl Südtirol Cup 2012” èl ruvé al secundo post.

Por udëi resultač dla gara a Lungiarü drüca: [Tlassifica_Finala_Lungiarue.pdf](#)

"Gesamtwertung dl Südtirol Cup 2012": [Tlassifica_Gesamtwertung_S.C.2012.pdf](#)